

DIRUBA EGITEKO BIDE ZUZENAK

SARRERA

ASKO errenkuratzen dirade beren zori (suerte) txarraz, munduban batzuben geyegi ta besteak gutxiyegi dutela esanaz. Eta ezagutzen ez dute errenkura ori geyenean arrazoi gabea dala, edota beren erruz (kulpaz) eztasunean (miseriyan) bizi diradela, diruba legeztu eta zuzenkiro egiteko bideak ez dakizkitelako, edo jakindaere jarraitu nai ez dituztelako.

Orrelakoentzat noa ni orañ itzegitera.

ALPERRA EZ IZAN

Espiritu Santubak onela diyo: «¡Alperra! ¿noiz arte loegin beadezu? ¿lotatik noiz jaiko zerade? Piška bat loegingo dezu, piška bat loguratuko zera, piška bat tolostuko dituzu eskubak berriz loegiteko. Eta bidezkoa bezela *etorriko zatzu beartasuna*, ta gizon armatuba bezela *eztasuna*» (1). Beste ainbeste diyo berriro Espiritu Santu berak beste toki batean (2).

Ikusten danez beraz *beartasuna* ta *ezeukiya* edo *eztasuna* erazkiro alperkeritik datoz. Alperra ez izan bada beartuba ta doakabea izan nai ez badezu.

(1) Prov. c. VI, vs. 9-11.

(2) Prov. c. XXIV, vs. 33-34.

LANGILLEA IZAN

Salomon jakintsu aundiyaren bidez Espiritu Santu jaun berak ala diyo: «Begira, alperra, txingurriyari, ta ikusi ongi bere bideak eta jakinduriya ikasi..... beretzako bazka udaran gertatzen du, ta jan bear dubana uztan biltzen du..... Arretaduna bazera, zure uza iturriya bezela etorriko da, ta zugandik urruti joango da ezeukiya (1). Ikusten denez beraz itz oyetan, gugandik urruti aldegingo badu eztasunak eta ugari izango badegu uza edo gauza, txingurriyaren antzera langille bizi ta lenikuskorrek izan bear gerade.

ZINTZOA IZAN

Langille izan ta gauzak biltzea edo dirubak irabaztea ez da asko zintzoa ez bada bat. Irabaziala ez ditu batek bere gauz edo dirubak bota edo eman bear. Zorrai erantzun ta premiyak estalita geratzen dana, beartzen geradenerako edo etorkizunetarako gorde bear degu. Espiritu Santubak orregatikan diyo: «¿Zure gatzetasunean bildu ez dituzun gauzak, zartzaroan nola arkituko dituzu?» (2). Txingurriyak ere alabaña, arestian esaten nubanez, bere jana neguban izaten du, udaran bildu ta gordetzen dubalako.

Onen-onena litzake gure gipida edo aorruak irabaziyan ipintzea, orretarako izaten diraden dirukutx edo dirualkiyetan, ez geigan (korritu) asko agintzen dutenetan, baizikan segurubenetan.

EZERE EZ BOTA

Diruba egin nai dubanak alperrikako onkaldak (gastubak) utzi bear ditu, tabakoa, esan baterako, eguneroko akaita (kafea), zezenketak, antzoki (teatro) ta beste ikusgarriyak, geyegiko apañdurak, tximisburdi (tranbia) ta bultziyetan (trenetan) sarri ibiltzea. Urtearen buruban ¿zenbat diru botatzen ez da alperrik gauz oyetan ta beste antzekotan?

Jesukristo gure jaunak alabaña, janariyak txit ugaritu zituban aldi bitan, naikoa janda gero ayetatik, jarraitzalleai esan ziyen: «Geratu

(1) Prov. c. VI, vs. 6, 8, 11.

(2) Eccli. c. XXV, v. 5.

diraden puskak bildu ditzazute, alperrik galdu ez ditezen» (1). Baita ere beste batean arrai erre ta eztiորrazetik jan zubanean Jesus'ek, *kondarrak ikasleai eman ziyezten* (2). Orretan garbiro erakusten du alperrik galdu bear ez diradela, ta gutxiyago bota bear dirade beraz nolanai dirubak, eta are gutxiyago edaritegiyetan eta ibilli txarretan eman bear dira osasunaren ta sendiyaren (famiłiyaren) kaltean.

GALGIROAK UTZI

Diru egin nai dubanak, galgiroak (biziyoak) aletin guziz utzi bear ditu. Espiritu Santubak diyo: «Aberastuko ez da langille ordiya, ta gauz txikiyak urruintzen (despreziatzen) ditubana, piškanan eroriko da» (3). Esan nai du, ordikeri ta salukeriyen dabiliena aberastuko ez dala, ta galgiro txiki aintzakotzat artzen ez diradenetatik ondamena etortzen dala.

Ordikeriya bezela edo antzera, loikeriyak, arrokeriyak eta beste galgiroak galerazitzen diyote bati aberastutzea. Onkalda asko baidakaizkiyote edozeñi.

Eztaere aberastuko ez da, ta bai lurjoko du aberatsa balitz, aintzakotzat ez daduzkan galgiro txiki ustekoakin. Joku ta paramenetan (apostubetan) ĵenbat ondatu ez dirade igerri gabe! Eta zozkerak (lote-ri-erriřak) ĵenbati lurjoerazi ez diyozate ustegabeen bezela!

Galgiroak uzten ez badirade bada, zartzaro onik edo ondoren gozorik izan ezin leike.

ONA IZAN

Espiritu Santubak ala diyo: «Ondasunak eta gaitzak, bizitza ta eriyotza, beartasuna ta aunditasuna Jaungoiko'agandik datoz» (4). Jaungoiko'arekin ondo iduki bear baita beraz ondasunak eta aunditasuna izan nai baditugu. Onak izan gaitezen bada orretarako.

Jaungoiko'aren idaztiyetan (librubetan) irakurtzen ere da: «Jau-na'gan ipiñi zure ardura, ta berak zaindu ta janarituko zaitu» (5). Dabid errege santubak orregatik diyo: «Gazte izandu nintzan, bañon eta

(1) Joan. VI, 12. Math. XIV, 23.

(2) Joan. XXIV, 43.

(3) Eccli. c. XIX, v. 1.

(4) Eccli. c. XI, v. 14.

(5) Ps. LIV, v. 23. IP. V, v. 7.

zartu naiz: eta gizon zuzenik ikusi ez det utziya (desanparatuba), eztaere bere arraza ogi billa» (1). Esan nai du, zuzen edo ona danak, Jaungoiko'aren laguntasunez, zerekin bizi izango dubala beretzat eta bere umeentzat.

AZKENA

Erakutsi ditudan bideak, zuzenak nere ustetan, jarraitzen dituban euskaldunak, Amerika'ra ta osoro urrutira gabe, Euskalerrriya utzi gabere bai, bizitzeko adiña izango du bertatik, zartzaro gozoa ere bai gero, ta beti-betiko zoriona azkenean zeruban, opatzen diyozkaten bezela nik.

PRADERE'TAR BLAS, *apaiza*.

(1) Ps. XXXVI, v. 25.

